

From: Unit Komunikasi Korporat
Sent: Monday, October 1, 2018 3:09 PM
To: UUM - All Staff; UUM - All Students
Subject: Shahadat Naib Johan Sayembara Deklamasi Puisi Kemerdekaan



Unit Komunikasi Korporat
CORPORATE COMMUNICATION UNIT
Universiti Utara Malaysia

01 OKTOBER 2018 / 21 MUHARAM 1440H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah

SHAHADAT NAIB JOHAN SAYEMBARA DEKLAMASI PUISI KEMERDEKAAN



UUM ONLINE: M Shahadat Ali Nordin, 24 muncul Naib Johan dalam Sayembara Deklamasi Puisi Kemerdekaan Peringkat Negeri Perlis yang berlangsung, di Auditorium Perpustakaan Awam Kangar, Perlis, baru-baru ini.

Pertandingan ini dianjurkan oleh Gabungan Penulis Nasional (GAPENA) dengan kerjasama Dewan Bahasa dan Pustaka (DBP) yang dikendalikan Persatuan Penulis Perlis (3P).

"Saingan sangat sengit kerana disertai peserta yang berpengalaman luas seperti guru, bekas Johan Institut Pengajian Tinggi (IPT), pegawai bomba dan staf UUM namun saya berusaha sedaya upaya memberikan yang terbaik," luahnya.

Segak berbaju melayu dengan penampilan istimewa yang dipandankan dengan tengkolok yang direka sendiri dan bercapal seperti pahlawan melayu dahulu kala mengimbau kembali nostalgia.

“Saya memang suka berpakaian pejuang Melayu yang memberikan satu kelainan dan semangat dalam menyampaikan sajak dengan penuh penghayatan, suatu perasaan yang sukar digambarkan.

“Menariknya, idea ini datang secara spontan pada jam 3 pagi sebelum pertandingan bermula,” ujanya yang mendapat bimbingan pensyarah UUM, Mohamad Azmi Ab Rahman dari Pusat Pengajian Pengurusan Industri Kreatif dan Dr. Nor Hasimah Ismail dari Pusat Pengajian pendidikan dan Bahasa Moden, UUM.

Jelasnya, melalui puisi kita dapat menyampaikan suara rakyat, harapan, impian, kesedihan dengan penuh kesopanan, kesantunan menggunakan bahasa yang lembut dan tidak kasar.

“Dalam pertandingan ini, kita dapat mempelajari Bahasa Melayu moden dan klasik melalui penciptaan puisi di samping dapat bertemu dengan pejuang Bahasa Melayu yang senior mahupun yang baharu,” ujar Pelajar Sarjana Muda Pentadbiran Awam, UUM.

Sajak bertajuk Merdekakah Kita? hasil ciptaan Hashim Yaacob mengisahkan tentang kekecewaan seorang pejuang bangsa Malaysia demi menjaga maruah dan mendaulatkan negara Malaysia.

“Kisah ringkas dalam puisi ini cuba menasihati rakyat Malaysia yang sering bermegah dengan pembangunan dan kemajuan namun sebenarnya kita masih dijajah dalam bentuk lain.

“Kita terlalu selesa dengan kemewahan yang ada sedangkan semua kemajuan itu bukan kita miliknya selain puisi mengajak kita berfikir dan berusaha menjaga kedaulatan negara yang telah dicapai puluhan tahun dahulu dengan usaha kita sendiri dan bukan orang luar,” luahnya.

Mengulas lanjut penglibatan dirinya sebagai pecinta bahasa, sebelum ini Shahadat hanya mempelajari ilmu pidato, syarahan, debat dan pantun namun 2 tahun lalu mula berjinak-jinak melalui deklamasi puisi.

“Sejak kecil saya suka untuk mencabar diri dan suka untuk mempelajari sesuatu ilmu baharu terutamanya daripada aspek teknik penyampaian puisi dan pendeklamator,” tambahnya yang menerima hadiah wang tunai RM200 beserta sijil dan buku.

Shahadat turut menzahirkan setinggi penghargaan kepada Ibu bapa, pensyarah, guru SMK Tunku Abdul Malik dan sahabat yang selama ini menjadi tulang belakang dalam setiap langkah demi memartabatkan budaya Bahasa Melayu.

Sementara itu, Dr. Nor Hasimah berkata, pertandingan ini bertujuan meneguhkan perpaduan kaum, memperkasakan semangat patriotisme di kalangan rakyat Malaysia sekali gus menyerikan sambutan kemerdekaan melalui pengucapan puisi.

“Tahniah kepada Shahadat yang telah berusaha bersungguh-sungguh menjalani latihan, tidak kenal erti putus asa dan menghayati bait-bait puisi dengan penuh tenaga sehingga membuahkan hasil yang membanggakan UUM,” luahnya.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.